

# მიხეილ შაყულაშვილი ნიქოზის ანიმაციური ფილმების საერთაშორისო ფესტივალის გახსნას დაესწრო

01 სექტემბერი 2022

საოკუპაციო ხაზის მიმდებარე სოფელ ნიქოზში ანიმაციური ფილმების საერთაშორისო ფესტივალი გაიხსნა. ღონისძიებას შიდა ქართლის სახელმწიფო რწმუნებული მიხეილ შაყულაშვილი, შერიგებისა და სამოქალაქო თანასწორობის საკითხებში სახელმწიფო მინისტრი თეა ახვლედიანი, ადგილობრივი თვითმმართველობის წარმომადგენლები, ნიქოზისა და ცხინვალის მიტროპოლიტი მეუფე ისაია, დიპლომატიური კორპუსის წარმომადგენლები და მონვეული სტუმრები დაესწრნენ. ანიმაციური ფილმების საერთაშორისო ფესტივალში მონაწილეობას იღებენ როგორც ქართველი, ისე სხვადასხვა ქვეყნების რეჟისორ-ანიმატორები. გარდა ამისა, კვირეულის ფარგლებში ფილმების ჩვენების გარდა დაგეგმილია გამოფენები, სხვადასხვა კულტურული და შემეცებითი ღონისძიებები. შიდა ქართლის სახელმწიფო რწმუნებულმა სიტყვით გამოსვლილსას ფესტივალის მნიშვნელობაზე ისაუბრა. „მოხარული ვარ, რომ დღეს აქ, ნიქოზში ვიმყოფები და ჩვენი რეგიონისთვის მნიშვნელოვან ფესტივალს ვესწრები. ნიქოზის ანიმაციის ფესტივალი, რომელიც ნელს უკვე მეათედ ტარდება, განსაკუთრებულია თავისი შინაარსითა თუ დატვირთვით. სამწუხაროდ, აქედან რამდენიმე ნაბიჯში ჩვენს მიწაზე მავთულხლართები გავლებული და რუსული საოკუპაციო ჯარები დგანან. ჩვენ მშვიდობიანი პოლიტიკით უნდა შევძლოთ ოკუპაციის დასრულება და ანიმაციის ფესტივალი სწორედ რომ შემოქმედებითი, კულტურული და მშვიდობიანი არჩევანის სიმბოლო და გამოხატულებაა. ფესტივალს და ზოგადად, ხელოვნების სკოლას დიდი მნიშვნელობა აქვს ადგილობრივებისთვის, განსაკუთრებით კი ახალგაზრდებისთვის. მათ შესაძლებლობა აქვთ ადგილზე მიიღონ განათლება, ჩაერთონ კულტურულ და შემოქმედებით ღონისძიებებში, გაიღრმავონ ცოდნა. მინდა, განსაკუთრებული მადლობა გადავუხადო მეუფე ისაიას ამ შესაძლებლობის შექმნისთვის და ასევე, თითოეულ ადამიანს, ვისაც ამ ღირებულ საქმეში წვილი შეაქვს. სამხარეო ადმინისტრაცია მუდამ მზად ვართ მხარი დავუჭიროთ მსგავს ინიციატივებს, ერთობლივად ვიმუშაოთ და მჭიდროდ ვითანამშრომლოთ მშვიდობიანი და განვითარებული ქვეყნის მშენებლობის საქმეში.